

ԲՈՒՆԱՐԱՀԱՅ ԹԵՄԱԿԱՆ ԵՎ ԵԿԵՆԵՑԱԿԱՆ ԿՅԱՆՔ

Առաջին անգամ լինելով, հիսուն տարիներ հետո, ազատ և անկաշկանդ պայմանների մեջ, սույն թվականի մարտի 27-ին, Սոֆիայի Ա. Աստվածածին եկեղեցու մեջ զումարվեց բուլղարահայ պատգամավորական ժողով՝ ընտրելու համար նոր թեմական խորհրդի անդամներ. չորս տարիների համար:

Թեմիս առաջնորդ Տ. Տիրայր արքեպս. Սարտիկյանի աղոթքով և բացման խոսքով հայտարարվեց պատգամավորական ժողովի բացումը: Թեմական խորհրդի և քննիչ հանձնաժողովի ղեկուցումից հետո, գաղտնի քվեարկությամբ տեղի ունեցավ նոր թեմական խորհրդի ընտրությունը: Առաջնորդ Սրբազանի նախագահությամբ թեմական խորհրդին կից ընտրվեց նաև կրոնական ժողով:

Առաջնորդ Հայրը պաշտոնական նամակով Ամենայն Հայոց Հայրապետին հաղորդեց նոր թեմական խորհրդի ընտրության մասին: Պատգամավորական ժողովին իրենց մասնակցությունը բերեցին քսանվեց հոգի, բուլղարահայ հայաշատ զանազան քաղաքներից:

Ժողովի ավարտին տրվեց սիրո սեղան:

Հաջորդ օրը, կիրակի, Ծաղկազարդի տոնին, առաջնորդ Սրբազան Հայրը Ա. Պատարագի ընթացքում սարկավագական ձեռնադրությունը կատարեց երեք երիտասարդ նվիրյալների, որոնցից երկուսը ուսանող են Սոֆիայի բուլղար հոգևոր ակադեմիայում: Այստեղ ուսանող է նաև Պլովդիվի հոգևոր հովիվ Տ. Դանիել քահանա Զարաջյանը:

Առաջնորդ Սրբազան Հայրն ամբողջ Ավագ Շաբաթվա ընթացքում, մինչև Ա. Ձատիկ, այցելեց Պլովդիվ հայաշատ քաղաք:

Սրբազան Հայրը նախագահեց բոլոր եկեղեցական արարողություններին և հոգեշունչ քարոզներով մխիթարեց և խանդավառեց հավատացյալ ժողովրդին, ապա վերադարձավ իր պաշտոնատեղին՝ Բուխարեստ, այնտեղ ևս հին տոմարով նշելու Ա. Ձատիկը:

ՔԱՀԱՆԱՅԱԿԱՆ ՉԵՌՆԱԴՐՈՒԹՅՈՒՆ ՎԱՌՆԱՅԻ Ա ՍՄԲԻՍ ԵԿԵՆԵՑՈՒՄ

Թեմական խորհուրդը և Վառնայի ու Ռուսեի եկեղեցական վարչությունները դիմեցին առաջնորդ Սրբազան Հորը, որպեսզի երկու երիտասարդ սարկավագների քահանայական աստիճան շնորհի՝ իրենց եկեղեցիների համար: Մինչ այդ, երեք թեմածու քահանաները Պլովդիվ քաղաքում, քահանայական խորհրդի ներկայությամբ, հանձնեցին քահանայական քննություն: Երկու սարկավագները՝ Սոֆիայի և Վառնայի, գերազանց գնահատականներով հանձնեցին իրենց քննությունը, իսկ Բուրգասի սարկավագը՝ անպատրաստ էր և մնաց պատրաստվելու այս բարձր կոչմանը: Առաջնորդ Սրբազան Հայրը, ընդառաջելով Վառնայի հոգևոր հովվի և եկեղեցական վարչության ու հավատացյալների բուռն փափագին, որոշեց

քահանայական ձեռնադրություն կատարել Վառնայի Ա. Սարգիս եկեղեցում, որովհետև ավելի քան յոթանասուն տարիներ Վառնայի եկեղեցու մեջ քահանայական ձեռնադրություն չէր կատարվել:

Սրբազան Հայրը մայիսի 25-ին ժամանեց Ռուսե քաղաք, որտեղ նրան դիմավորեցին Տ. Սիոն վարդապետ Աղամյանը, Արթուր սարկավազ Հովհաննիսյանը, որը քահանայական քեկնածու էր Վառնայի Ա. Սարգիս եկեղեցու, և Վառնայի եկեղեցական վարչության անդամները:

Սրբազան Հոր կարգադրությամբ և նախագահությամբ, թեմական խորհրդի անդամիկ Ռիստը գումարվեց Վառնա քաղաքում, մայիսի 29-ին:

Սրբազան Հոր աղոթքով բացվեց թեմական խորհրդի անդամիկ Ռիստը: Այնուհետև Սրբազան Հայրը՝ ընթերցեց Վեհափառ Հայրապետի օրհնության գիրը՝ թեմական խորհրդի Տոր անդամներին ուղղված հաջողության մաղթանքներով: Ապա թեմական խորհրդի ատենապետ դոկտոր Ռուբեն Գրիգորյանն ընթերցեց բուլղար կառավարության և կրոնի նախարարության կողմից բուլղարահայ թեմական խորհրդի վավերացման գիրը: Նույն ժողովին Սրբազան Հայրը ընթերցեց Վեհափառ Հայրապետի պաշտոնական հրավեր-նամակը՝ ուղղված Տ. Տիրայր արքեպս. Մարտիկյանին, որպեսզի նա իր մասնակցությունը բերի հուլիսի 2-ից 4-ը Ա. Էջմիածին և Հայաստան Հոռմի քահանայապետի այցելության առթիվ: Նույն օրը, շաբաթ երեկոյան, ժամերգությունից հետո, Սրբազան Հոր նախագահությամբ և խարտավիլակությամբ Տ. Սիոն վրդ. Աղամյանի, ինչպես նաև մասնակցությամբ Սոֆիայի և Պլովդիվի քահանա հայրերի, կատարվեց կոչման արարողությունը երկու նվիրյալ սարկավազների՝ Արթուրի և Արամի:

Կիրակի, մայիսի 30-ին, կատարվեց քահանայական ձեռնադրություն՝ Սրբազան Հոր նախագահությամբ և խարտավիլակությամբ Տ. Սիոն վարդապետ Աղամյանի: Օծման պահին Սրբազան Հայրը սարկավազներին վերանվանեց և հոգևոր անուններ շնորհեց՝ Արթուր սարկավազին՝ վերանվանելով Տ. Սարգիս, ի պատիվ եկեղեցու անվան, իսկ Արամ սարկավազին՝ Տ. Տիրայր, ընտանացելով վերջինիս խնդրանքին:

Սրբազան Հայրը քարոզ խոսեց ձեռնադրության առիթով և հորդորեց նորընծաներին՝ անմնացորդ և նվիրված ծառայեն իրենց Մայր Եկեղեցուն և հայ ժողովրդին: Սրբազան Հայրը քարոզի ընթացքում գեղեցկորեն ներկայացրեց նորընծաների հոգևոր անունների բացատրությունները: Ա. Պատարագին և քահանայական ձեռնադրությանը ներկա էին թեմական խորհրդի ողջ կազմը, նորընծաների կնքահայրերը, բազմաթիվ հավատացյալներ ոչ միայն Վառնա քաղաքից, այլ նաև Բուլղարիայի տարբեր վայրերից: Այս արարողությունը լայն արձագանք գտավ բուլղարական հեռուստատեսությամբ և մամուլով:

Տ. Սարգիս քահանա Հովհաննիսյանը պետք է իր քառասունյա պահեցողությունն անցկացնի Վառնայի Ա. Սարգիս եկեղեցում, իսկ Տ. Տիրայր քահանա Հատավյանը՝ Սոֆիայում:

Ձեռնադրությունից հետո հյուրերին տրվեց սիրո ճաշ Վառնայի եկեղեցական վարչության կողմից: